

金錄齋投簡儀

體  
十

# 金錄齋投簡儀

體十一

通奉李守宣書樸射燕書侍郎在國清河郡開國公食邑三千九百戶食實封戶張商英奉旨刪

山水簡二面春夏詣益州王屋洞天濟瀆  
水府秋冬詣安慶潛山司真洞天太平采  
石水府龍簡到日所屬下教門具威儀迎  
接差道士七人內選授法籙道士一人充  
高功具齋意於殿上或壇上開建道場祝  
香

淨壇敕水

唱各禮師存念如法

高功法師宣五方衛靈呪

東方

九炁青天 明星大神 煥照東鄉 洞映九門

輶燭陽光 掃穢除氛 開明童子 備衛我軒

收魔束妖 上對帝君 奉承正道 赤書玉文

體十一

九天符命 攝龍驛傳 普天安鎮 我得飛仙

南方

南方丹天 三炁流光 熒星轉燭 洞照太陽

上有赤精 開明靈童 總禦火兵 備守三宮

斬邪束妖 翦截魔王 北帝所承 風火八衝



流鈴交煥 敢有不從 正道流行 我享上功  
保天長存 億劫無終

西方

七炁之天 太白流精 光耀金門 洞照太冥  
中有素皇 號曰帝靈 保神安鎮 衛我身形

斷截邪源 王道正明 宮殿整肅 三景齊并  
道合自然 飛升紫庭 靈寶符命 普惠萬生  
功加一切 天地咸寧

北方

北方玄天 五炁徘徊 辰星煥爛 光耀太微

黑靈尊神 飛仙羽衣 備守五門 檢精捕非  
敢有干試 豁落斬摧 玉符所告 神振八威  
邪門閉塞 正道明開 映照我身 三光同輝  
策空駕浮 舉形仙飛

中央

體十一

黃中理炁 總統玄真 鎮星吐輝 流煥九天  
開明童子 一十二人 元炁陽精 炎上朱煙  
洞照天下 及臣等身 百邪摧落 攝鬼萬千  
中山神呪 溥天使然 五靈安鎮 身飛上仙

五星都呪

五星列照 煥明五方 水星却灾 木德致昌  
熒惑消禍 太白辟兵 鎮星四據 家國利亨  
名刊玉簡 錄字帝房 表颯啟景 飛騰太空  
出入冥無 遊宴十方 五雲覆蓋 招神攝風  
役使萬靈 上衛仙公

唱鳴法鼓二十四通

高功法師發鑪

太上真元五靈老君當召功曹使者左右龍  
虎君捧香使者三炁正神關啓三天太上元

皇老君臣今正爾燒香謹奉



當今皇帝玉壇醮罷金錄齋成專遣某官詣  
某處投奠龍簡重設醮筵願得太上八方正  
真生炁降流臣等身中令臣所啓速達至真  
無極太上三尊三清天帝御前

次再拜上香上茶上酒

禮十一

三

次唱各稱法位

高功具法位臣某謹上啓

三清上聖十極高真五方五帝君天地水三

官洞天真宰四瀆海嶽水府龍神一切聖境

得道仙靈臣稟質凡微託躬塵穢宿荷餘福

栖身法門寶訣靈書獲聞上範約當宣揚道  
化保輔邦家凡有禱祈敢不聞達今

皇帝以集福禳灾散壇罷醮專遣某官詣某  
州洞府靈山投奠龍璧玉簡恭依睿旨重啓  
醮筵祈衆聖之降臨察誠心而領納蒙如所  
請仰荷靈恩臣與某官等誠惶誠恐稽首頓  
首再拜奉請

次上香再拜獻酒設拜

謹奉請

中元赦罪地官中元四十二曹仙官王屋山



小有洞天神仙聖衆十大洞天神仙真宰五  
嶽洞天真君八十一洞神仙七十二福地仙  
官青城山九天丈人儲福定命真君潛山司  
命真君廬山九天採訪使者應元保運真君  
諸嶽名山洞天福地一切得道龍神衆應  
感分輝降臨醮座謹稽首虔誠再拜謹奉請  
下元解厄水官下元四十二曹掾吏龍神聖  
衆濟瀆清源王濟瀆一切得道龍神聖衆四  
海八溟三河四瀆靈官聖衆九江水帝十二  
河源河伯河侯河掾川靈大澤本府靈司一

切官屬應感分輝降臨醮座謹稽首虔誠再拜

次上香再獻酒設拜

次重稱法位

臣謹重上啓

禮十一

高真上聖天地水三官嶽瀆洞天靖廬福地  
得道神仙龍神官屬四海八溟千川萬谷泉  
源水府靈司正神當境一切威靈得道聖衆  
降赴醮筵鑒納丹誠流光映照伏願

皇帝邦基磐固國壽天齊動植霑恩華夷蒙



潤甘露零而祥風集卿雲現而景曜垂毒癘  
屏消吉祥蕃委惟神克念永孚于休一切舍  
生並登道岸臣等誠惶誠恐稽首頓首再拜  
奉送

次十二願

臣等一願乾坤明素二願烝象清圓三願聖  
人萬壽四願化洽八埏五願天垂甘露六願  
地發祥烟七願四時應節八願萬物生全九  
願家多孝悌十願國富才賢十一願豐都罷

對十二願學道成仙



次高功復鑪祝曰

香官使者左右龍虎君侍香諸靈官當令行道之所自然生金液丹碧芝英百靈衆真交會在此香火鑪前上願

皇帝受福天下蒙恩十方仙童玉女侍衛香

體十一

五

煙傳奏向來所啓速達

至真無極大道三清上帝御前

次舉學仙頌

學仙行爲急 奉戒制精心 虛夷正氣居

仙聖自相尋 若不信法言 胡爲棲山林

次如法焚香度簡投下洞天

次詣水府

次舉投簡頌

祈真登紫府

告命詣靈壇

玉女謠梵響

金童奏香煙

書名通九地

列字上三天

永享无期壽

尅成高上仙

次舉迴向讚

向來設醮功德上祝

皇帝次及臣寮同賴善功成無上道一切信

禮

次高功回向念善云

上來投簡事畢設醮功德周備奉為  
皇帝上祝聖壽無窮念大聖元始天尊太上  
玉晨大道君太上金闕老君太上三清大天  
帝無量不可思議功德道衆山呼

山簡式

嗣天子臣伏為迎祥集福祇建冲科謹齋龍  
璧信幣之儀命道士幾人於某宮觀某殿開  
啓金籙道場幾晝夜罷散日設普天大醮一  
座三千六百分位告盟天地紀筭延釐齋事



周圓恭陳大醮謹依舊式詣

洞天投送金龍玉簡願神願仙飛行上清五  
嶽真人至聖至真鑒此丹懇乞為騰奏上聞  
九天謹詣靈山金龍驛傳

某年太歲某甲子幾月某朔幾日某甲子

禮十一

六

於道場內吉時告聞

土簡式

嗣天子臣伏為迎祥集福祗建冲科謹齋龍  
壁信幣之儀命道士幾人於某宮觀某殿開  
啓金錄道場幾晝夜罷散日設普天大醮一

座三千六百分位告盟天地紀算延釐齋事  
周圓恭陳大醮謹依舊式詣靈壇投送金龍  
玉簡願仙飛行上清中黃九土戊己黃神土  
府五帝鑒此丹懇乞為騰奏上聞九天金龍  
驛傳

某年太歲某甲子幾月某朔幾日某甲子  
於道場內吉時告聞

### 水簡式

嗣天子臣伏為迎祥集福祇建冲科謹齋龍  
璧信幣之儀命道士幾人於某宮觀某殿開



啓金籙道場幾晝夜罷散日設普天大醮一  
座三千六百分位告盟天地紀筭延釐齋事  
周圓恭陳大醮謹依舊式詣水府投送金龍  
玉簡願神願仙三元同存九府水帝十二河  
源江河淮濟溟泠大神至聖至真鑒此丹懇  
乞爲騰奏上聞九天謹詣水府金龍驛傳

體十一

七

某年太歲某甲子幾月某朔幾日某甲子  
於道場內吉時告聞青紙封簡

### 題式

謹上詣某處具高功法位臣姓名告文謹封



金籙齋科儀序

臣商英奉

御筆曰卿文章政事之外深究道妙博窮  
秘典彙笈及琅函靡不通貫矧金籙科教信  
為餘事向委一二道士將道場儀矩稽考  
藏典校正近成書帙來上嘗付道官定奪  
今據簽出異同甚多並降付卿可機政餘  
暇看詳指定可否如有討論未備文義乖  
訛并未盡事件並行貼改刪潤進入臣商  
英拜手稽首敢不對揚

天子之丕顯休命乃言曰若昔帝王匪天  
何憲匪道何尊黃帝曰觀天之道執天之  
行盡矣孔子曰唯天爲大唯堯則之帝舜  
曰敕天之命惟時惟幾傳說曰惟天聰明  
惟聖時憲周詩曰文王陟降在帝左右然  
則寂寥淡泊必有以質其誠恍惚希夷必  
有以將其意齋醮之興其在茲乎是以自  
然妙經演說科範因事制法析爲九條陸  
修靖行之於前杜光庭集之於後神宗講  
興廢典揚傑編纂而成書陛下善繼先猷



愚臣討論而潤色且夫周公成秩無文宣  
王靡神不舉凡以為民而救災者無所不  
至也而况蒼蒼在上昭昭垂象六虛周流  
而變動百姓日用而不知為天下國家者  
其可忽哉尊帝一十三位虛皇太上三尊

體十一

道之真元也三清上帝道之妙有也昊天  
玉皇上帝三十二天帝統御世界而成變  
化者也天皇大帝紫微帝君在天成象之  
帝也虛皇地后三元九炁所自生也名號  
繁多非道之體博研經論攷三界質之幽



明而無疑非以私意而增損也舊儀先後顛倒繁簡不倫今斟酌九條差次聖位刪削名號補完教意一曰請師非師則誰主法會二曰補職非職則誰行科法三曰授戒非清淨則何以入壇場四曰敕壇非解穢則何以降仙聖五曰登天門非登乾巽則旋繞不帀六曰拜表進章非法印合符則何以通天門七曰真文玉篇辯方正位以應五行之炁八曰衆妙壇用玉屋山司馬子微法象之制九曰天寶臺取玄壇

之臺制移置殿中以伸陟降之儀以備風  
雨之至行法之士詳而練之臣商英謹序

金錄齋投商儀





